



## Publicaziuns dalla vischnaunca, jamna 19

### Damonda da baghegiar

**2020-1019.000**

**Datum dalla publicaziun: 8 da matg**

Il/s patruns: Thomas e Manuela Hirschi, Via Peisel 24, 7186 Segnas

Il representant: Thomas Hirschi, Via Peisel 24, 7186 Segnas

Object: Construcziun d'ina terrassa vid igl edificci nr. 400A sin parcella 1111, Via Peisel 24, 7186 Segnas

#### **Protestas:**

Il/s plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 8 da matg 2020

*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 15 da matg 2020**, allas 20.15 en halla da tennis dil Center da sport e cultura. Muort il coronavirus ha la seduta liug cun exclusiun dalla publicitad.

#### **Tractandas:**

1. Protocol 25-2017/2020
2. Rapport da gestiun e quen 2019 (messadi nr. 42-2017/2020)
3. SIE 2021 Via d'uaul Plaunca Su-Pardi: Project e credit per segironza e reparatura (messadi nr. 43-2017/2020)
4. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Retrer aua ord flums ed uals per schuar praus

Tenor art. 29 dalla lescha federala per la protecziun dallas auas ed art. 8 dalla lescha federala davart la pesca basegna ei per duvrar aua ord flums ed uals ina lubientscha. Tenor quantum d'aua sa la lubientscha vegnir concedida entras la vischnaunca en collaboraziun cul survigilader da pesca.

La lubientscha ei necessaria per prevegnir che flums ed uals vegnien mess sil schetg e che la fauna e flora diils uals piteschi donn.

Il davos temps ei vegniu constatau ch'ei vegn en differents loghens priu aua ord ils uals senza lubientscha. Nus fagein attentas quellas personas che han aunc buc annunziiau resp. dumandau per ina lubientscha, d'annunziar ladinamein agl uffeci da baghegiar ed infrastruttura, ord tgei uals e flums ch'els retilan aua per schuar. Talas personas che desistan d'annunziar ils loghens nua ch'ellas retilan aua resp. da suttametter ina damonda per retrer aua da schuar, san vegnir punidas a basa dil dretg surordinau.

*Administraziun communal Disentis/Mustér*

---

### Segnas impediments da traffic

En connex cun differentas lavurs d'avertura, specialmein il provediment electric sco era projects privats, eis ei da quintar a Segnas cun impediments da traffic:



Via Sut Vitg naven dalla cruschada Via Ansauna  
Via Ansauna naven dalla cruschada Via Sut Vitg entochen Via Salez  
Via Salez naven dalla cruschada Via Sut Vitg entochen alla Via Foppas

Per temps eis ei necessari da serrar singuls tschancuns cumpleinamein pil traffic, igl ulteriur temps eis ei da quintar cun impediments temporars.

Cun impediments da traffic eis ei da quintar naven **dad immediat entochen ca. ils 20 da zercladur 2020**. Nus supplichein da risguardar las signalisaziuns corrispudentas ed engraziein a vischinas e vischins per la capientscha.

Disentis/Mustér, ils 28 d'avrel 2020

*Uffeci da baghegiar ed infrastruttura*

---

### **Niev: Rinnada da plastic – igl ambient stat a nus a cor!**

La Regiun Surselva ha sviluppau in concept per la rinnada ed il recicladi da plastic. L'entschatta matg 2020 ei vegniu repartiu ellas casadas dalla Surselva ina informaziun corrispudenta cun in sac gratuit.

#### **Tgei vegn mess el sac blau da recicladi?**

El sac da recicladi vegnan ils materials sintetics ch'ei nudai cul simbol (trianghel) e la suandonta numera mess: 1 (PET), 2 (PE-HD), 3 (PVC), 4 (PE-LD), 5 (PP) e 6 (PS). Quei ein per exempel butteglas da plastic (adatg butteglas da PET vegnan rinnadas vinavon separadamein), tubas da plastic, recipients sintetics, butteglas da latg e groma, cups da jogurt, cups e vischala da plastic, canisters, sadialas, parlets, chistas, mobiliar da curtgin, ruogs da fluras sintetics, emballadis da plastic, termagls ord material sintetic, material da biro, tastgas da plastic, folias da victualias.

Ils sacs da recicladi san vegnir cumprai al spurtegl dall'administraziun communal sco era en ulteriurs loghens nua ch'ils sacs da rumians vegnan vendi.

#### **Cuosts:**

frs. 2.20 per sac

(sac da 60 l/ina rolla da tschun sacs: frs. 11.–)

#### **Posts da rinnada:**

plazza da rinnada da rumien a Raveras ni al recicladi regional a Plaun Grond, Glion

#### **Temps d'avertura dalla piazza da rinnada a Raveras:**

mesjamna 16.00–17.30

sonda 10.00–12.00

Nus supplichein da dismetter els sacs blaus da recicladi mo materia da plastic e nuot auter!  
Bien engraziament.

*Suprastonza communal*

---

### **Serrada dalla Via Acletta**

#### **Preziadas convischinas, preziai convischins**

En num dalla vischnaunca da Disentis/Mustér e digl Uffeci cantunal da construcziun bassa dil cantun Grischun informein nus Vus davart la serrada dalla Via Acletta.

Il program da construcziun prevedeva da realisar la primavera la sanaziun dall'emprema etappa senza stuer serrar cumpleinamein la via. Per motivs che las lingias da provediment ein en in stan pli desolat che quintau, lubescha la situaziun buca da realisar las lavurs senza serrar la via pil traffic.

Perquei sto la via vegnir serrada sil tschancun naven dalla sbuccada dalla Via Luzzas entochen ed incl. la sortida tier surbaghegiada Utoring per tut traffic e quei naven **dad immediat entochen ils 3 da fenadur 2020**. Entochen ils 24 da fenadur 2020 eis ei en connex cun las lavurs da catram da quintar cun ulteriurs impediments da traffic.



Per vehichels entochen 3,5 tonnas exista in sviament sur la Gassa da Cuoz. Pedunzs e velocipedists han la pussevliadad da passar il plazzal. Vischinas e vischins ein envidai da risguardar las signalisaziuns corrispudentas.

Informaziuns actualas anfleis Vus sut:

[www.strassen.gr.ch](http://www.strassen.gr.ch)

Per damondas stat igl uffeci da construcziun bassa bugen a Vossa disposiziun. Nus engraziein per Vossa capientscha e salidein amicablamein.

*Uffeci da baghegiar ed infrastruttura  
dalla Vischnaunca da Disentis/Mustér  
Uffeci da construcziun bassa dil Grischun, district 6  
Christian Gieriet, 079 963 03 80*

---

## Biblioteca populara Disentis/Mustér e contuorn

**La Biblioteca populara Disentis/Mustér e contuorn ei puspei aviarta naven dils 11 da matg 2020.** Ei valan – risguardond las mesiras da protecziun – las uras d'avertura regularas:

gliendisdis	18.30–20.00
mardis	13.30–15.00
gievgia	16.00–17.30
venderdis	18.30–20.00

Tut las occurrenzas (Mats, Di svizzer da preleger) ein strihadas tochen las vacanzas da stad. Per tut ils clients ch'elegian lur medias pli bugen naven da casa, purschin nus vinavon nies survetsch d'empustaziun e da retratga. Vus saveis empustar per mail ([biblioteca@disentis.ch](mailto:biblioteca@disentis.ch)) ni reservar medias en nies catalog online. Empustaziuns che vegnan fatgas tochen la sera avon san vegnir retratgas mintgamai il proxim di duront las uras d'avertura regularas.

La biblioteca digitala, [www.dibiost.ch](http://www.dibiost.ch), ei adina aviarta. Ulteriuras infos sut [www.biblioteca.disentis.ch](http://www.biblioteca.disentis.ch). Nus selegrein da puspei beneventar Vus persunalamein en biblioteca.

*Il team dalla biblioteca*

**Die Biblioteca populara Disentis/Mustér ist ab 11. Mai 2020 wieder geöffnet.** Es gelten – unter Einhaltung der Schutzmassnahmen – die normalen Öffnungszeiten:

Montag	18.30–20.00
Dienstag	13.30–15.00
Donnerstag	16.00–17.30
Freitag	18.30–20.00

Alle Anlässe (Mats, Schweizer Vorlesetag) sind bis zu den Sommerferien abgesagt. Für jene Kunden, die es vorziehen, ihre Medien von zu Hause aus auszuwählen, bieten wir weiterhin unseren Bestell- und Abholservice an. Sie können Medien per E-Mail bestellen ([biblioteca@disentis.ch](mailto:biblioteca@disentis.ch)) oder im Online-Katalog reservieren. Bestellungen, die bis am Vorabend eingehen, können jeweils am folgenden Tag zu den regulären Öffnungszeiten abgeholt werden. Die digitale Bibliothek, [www.dibiost.ch](http://www.dibiost.ch), ist immer geöffnet. Weitere Informationen unter [www.biblioteca.disentis.ch](http://www.biblioteca.disentis.ch).

Wir freuen uns, Sie bald wieder persönlich in der Bibliothek begrüßen zu dürfen.

*Das Bibliotheksteam*

---

## Uniun samaritana Mustér

L'acziun da spender saung per donaturas e donaturs dallas vischnauncas da Medel e Mustér ha liug: **Mardis, ils 19 da matg 2020**, dallas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziats e sperein sin ina stedia participaziun. Per informaziuns: Blandina Levy, 079 652 40 26

*Uniun samaritana Mustér*